



養一卷

詩
雙木

曹佳謹
題



養一

卷一
雙木
曹佳謹
題

國朝文學之盛發源於康熙眾匯於乾隆而推行於嘉道之間余嘗論武進李中耆先生可謂通儒矣先生弱冠及盧抱經之門生平交遊皆一時名宿若顧氏圻劉氏逢祿胡氏承琪莊氏綬甲覃精經術校正古書周氏濟毛氏嶽生洪氏飴孫麟孫耿研史籍董氏祐誠羅氏士琳旁綜算數徐氏松博攷方輿魏氏源包氏世臣又復練習憲章推求利病窮經世之務先生周旋其間各以所學互相質證諸家頡門絕業述作孜孜精詣鴻裁時尠儔匹若其兼資博採不名一家負兼人之才有具體之實治爲循吏教爲名師殆非先生莫與屬也先生妙析文理選集駢體自秦迄隋若與近世古文辭家宗旨殊異然尋繹緒論於桐城姚氏學行景仰不遑自居私淑蓋其爲學博而知要源流

養一詩集

序

一

遷變之故辨之最悉而本末條貫之理又體之最眞非夫專已自炫之徒爭門戶驚聲譽者所得喻也養一文集二十四卷皆歿後門弟子所蒐輯首賦及詩而附以詩餘凡四卷蓋倣文選編次之例近年常州重刻本始裁出之先生曾孫陽乞余爲別刻乃以賦二首詩餘三十餘首並附於詩後題曰養一先生詩集俾與文集並行焉其詩溫雅冲適多見道之言余聞先生之教人也不勸之學詩病其無實益今觀集中率係酬應之作先生固非蔽精力以爲詩者抑余之刻是詩亦豈謂藉詩以傳先生哉今江蘇學術視乾隆嘉道間稍衰替矣江陰暨陽書院先生撰杖都講所也當日訓誥詞章天算地輿之學因材而就濟濟如林自余視學下車詢訪高第弟子則亦零落鮮有存者比

李養一先生詩集

目錄

卷一 古體詩五十三首

卷二 古體詩七十八首

卷三 近體詩二百九首

卷四 近體詩二百四十九首

附 賦二篇

詩餘三十二首

養一詩集

目錄

李養一先生詩集卷一

古詩

宋謝疊山先生遺琴武林吳氏得之繪圖傳示爲之

作歌

東山桐西山梓

琴背鐫銘
有此詞

上枝蟠青雲下枝拂流水雷轟

電擊野火燒裂骨穿膚半生死誰從大壑陰採製爲鳴琴
孤絲寡珥絙斷脊中有清霜烈日之明心天荒地老陵谷
變此骨不與金石同銷沈可憐文信國聞道遺琴欲淪沒
亦有汪水雲當時揮手凌青雲如何尙有一片乾淨土埋
此三尺四寸枯桐根粗具齧與齧安辨蛇蚶紋漆文土花
所不蝕疊山兩字分明存先生身似摩霄鶴燕市從容一
甌粥掀髯抵几已無成茶坂麻衣空慟哭當其橫膝時含

養一詩集

卷一

一

情再三彈初爲梁甫吟後作齊女歎世無鍾期莫爲賞海
天何處尋成連先生此時與誰語琴兮琴兮吾與汝先生
可逝琴不亡十三之徽一一吐焰直與箕尾爭光芒此琴
非桐亦非梓銘非銘兮字非字黏著萇宏血一腔萬億劫
灰飛不起吳氏爲此圖望古意有餘我思此琴不可見展
圖忽忽生嗟吁誰招朱鳥揮殘淚敲碎西臺竹如意

花朝也就枕始覺之攬衣急起移小梅於月中相對

久之

春氣到圭牖百物亦蠢蠢風光漸明麗佳思不可攜往往
中酒臥昏曉昧所付俯仰娑拖間良辰遂相窘此日足可
惜去我幸尙近明月當秉燭空庭冷然靜寒梅發素萼疏
香抱孤蘊爲時恨無幾幽興愈不盡人生逐逝水日月苦

道緊多爲忘所謀欲追坐愁暝片刻尙相待頗勝終冥冥
銜盃掃白石願以長夜儘

神絃曲侑花神

銅龍轉漏天雞叫宿霧侵衣曉寒峭地底春從天上來弱
柳含顰杏花笑冷魂黏夢癡不飛春風爾來爲阿誰咸狂
蜂憨蝶坐相識芳心展盡紅蕖蕤千聲彭肯花腔鼓阿醅
調絃阿奴舞捉搦郎當又一場海如酒盞霞如炬神來神
來八寶莊千花萬花齊侑觴醉時與訴花煩惱同我通明
奏綠章

天慶觀畫龍歌

僧絲之畫真天工雲作墨瀋腕使風特出狡獪狀神物之
而鱗爪生蓬蓬偶然落筆天慶觀數尺壁上開鴻濛海水
養一詩集 卷一 二
直立龍變現目欲睽閃聲疑轟一龍點睛遂飛去其一宛
轉留空櫛升沈倏忽在其手吁嗟斯人安可逢我來觀荒
壁已倒口道古事心如夢循牆一笑捨之去葉公所好當
眞龍

出都錄別

天風吹海海水立蓬萊三山旋如葉波濤掀舞魚龍驕十
二靈鼈戴不得山中仙人絳節排躡雲直上登天階幾輩
佻毛苦不淨隨風亂落天之涯拍肩舊侶勞相憶爲酌天
漿灑塵翼雪花如掌飛滿空撲面不寒知酒力自誇小謫
仍殊眾不是騎鯨便騎鳳一點齊州何處煙闌千百丈黃
河凍等閒漫道別離輕手把芙蓉謝玉清慷慨一身餘涕
淚低徊雙意託瑤瓊夢裏紛紜竟何許覺來但有相思苦

天明羸馬欲長征，夜半荒雞叫起舞。日色白白車塵黃，鞭絲何短途何長。致君堯舜付公等，杜吾當種秫歸柴桑。

春寒曲

樓頭已報早春歸，檢點春衫上翠微。底事天公苦擔閣，不教花草鬪芳菲。園林何處尋花好，長安道上行人少。風信翻能勒眾香，霜痕作意禁題鳥。閨中少婦惜流光，不捲珠簾嬾下堂。倦繡卻嫌春晝永，遲眠但道漏聲長。漏長坐待蘭膏歇，蜀錦衾單寒刺骨。似剪裁來楊柳風，相思怕見關山月。最是關山淪落人，縈懷愁緒不知春。驢驢已典征裘薄，車鐸郎當夜向晨。

又

東風飄蕩來無邊，司冬未徹餘寒天。窻間遍抹圖九九，擔簦一詩集

卷一

三二

擱韶光卻可憐，凌寒只有南枝影。春色幾分憑管領，剪水仍封上苑桃。凍雲未放溪頭杏，枉教羅綺作春衣。鳳城怕不見晴暉，弄瑟猶憐玉指冷。稱觴空憶鱖魚肥，臨春宮中曉漏長。貪戀香衾慵洗妝，啼鳥殷勤猶帶澁。釀花寂寞不聞香，長安道上遊人少。陰霧濛濛煙杳裊，春江水冷鴨自知春。圃花遲蜂未曉，無奈此時離別人。嫩紅瘦綠不勝情，渭城朝雨聽三疊。繡戶單衾怨五更。

甄硯爲蕭恭孺題

蕭生少年能作賦，爛若星斗羅心胸。行沙明珠大如月，淮海之產真無雙。此甄沈埋數千載，一旦拂拭開塵容。何況真有如此剖蚌作貢，非奇逢故人贈此最光彩。莫嗟曳尾泥塗中。

書見素居壁

夙齡忝文學圖史頗貫弗因緣平仲知遂辱揚雄薦讐書
入虎觀作賦奏金殿一朝拜

恩命綰綬出山縣童律幸可通襟獄苦非鍊聲聽撈捶
屑屑領簿案徒隸陪侍從侏獲則歡宴醫低骨已折口而
心翼戰塵顏怯持鏡自揣久淄變經營數間屋聊用置几
硯破書百餘卷中有古英彥相從理素業冀見本來面懷
居諒爲愧成性習其便土思日悄悄寓也何所戀
疏窗敞南北偃息靜以窳南榮足淹曝北壁有餘地鑿池
但隨坳爲山卽覆簷高樹有遠容丈石出奇致聳聳竹與
柏左右擁雙翠室中復何有空洞類我意斲椽粗稜稜粉
壁光緻緞木無髹漆觀牆無綈錦被旣乏珠玉玩亦鮮形
養一詩集

卷一

四

鑿器用樸保眞率寡欲息人事茲區實彫瘵魚鼈時告匱
疲民固不敢傷財况爲累美室孟獻尤葺墻叔孫志夫子
善苟完斯亦素吾位

茲邦濱大淮風氣蠢以勁居恆肆攻剽稍急輒星迸行坐
挾刀劍忘軀狗忿競黠者持短長猜吠思梗令書策旣稱
濁徒史得放橫爲政濟猛寬計惟張絃更韓子亦有言厥
道在素正齋居勵冰淵號號守畏敬開門固其根內省期
不病孰謂莫予觀豈弟神所聽以此盟爾室顯顯慎嘉命

涉江遇風有作

乘風破浪抑何快摩肉鯨牙亦可畏至人履險了不驚中
有不朽惟精誠風波平地有如此急流幾輩能知止痛定
思痛我心惻戒之入坎求小得

憚南田山人天香書屋畫

樓幽構煙藪賞曠轉蒼麓往蹤巖岫重結伴松桂足苔深
石氣古雲靜林光穆淙淙環急瀛櫛櫛激寒玉虛室生凌
兢微風度醜馥紅塵何處無茫然想空谷

得剝蝕晉甄其文足資考覽製以爲硯

茲郡古下蔡山水天險巖自昔遭世屯往往尋戈矛城戍
錯衆星舊址埋榛萊此甄紀泰始晉武吞吳時陳騫與王
渾相繼守邊陲想其逞雄據墉塹紛我巍浮雲一俯仰去
我千年餘遺烈賴有此泥土亦復奇今時器苦麻金石無
貞姿尚哉古之人博埴能爾爲况乎古人心久之固不虧
攻冶儷書策古光同照眉豈無荆山璆熟媚非我思

輿中

養一詩集

卷一

五

我行未云息杲杲日正中風伯匿何所纖雲燒已空窮野
無寸柯左右夾莽叢焦土不受炙毒熱翻上攻哀彼輿下
斲胡甯獨匪躬

顧晴芬侍郎

泉柴門曲水圖

野屋倚林薄清川帶邱阜竹間雲徘徊松下風颺翳翳
瞻衡門墮墮辨虛牖俯仰望清華結構得幽藪先生蒼生
望載辭東山久高情諒自我濟物詎嬰垢造適寄豪素安
排見心困何時遂霄外赤松倘招手

丁丑年住懷遠眞儒書院構如是住成賦此記之

我家峩耳山邊宅迤邐平泉帶阡陌清池周匝玉一環綠
篠葱籠竿數百鋤田灌圃有餘暇插柳栽花遂成癖可笑
無端插腰板十年宦海心競競適時且喜解天陂無那餘

辛尙如螯三徑歸來幸未荒數月淹留翻似客苦爲豬肝
尋改人竟忝皋比據講席倦來隱几聽吟唔與到論文逞
骨膈院隣官廨錯市廛廊廡周圍寬且碩所居山縣不見
山窺牖兀然惟四壁一一櫺扉向東啟早眠坐受朝陽炙
繞屋循牆出其後草石縱橫地頗隙幾樹安榴撐路斷一
勺坳堂穢流積兩峰參差露眉宇向我不語情脈脈眼前
有景入莫知大美棄置天所惜濬池種樹先安排披草拓
基細規畫連廊架棟作兩楹楹深二尋廣十尺兩面安窗
狀如榭編竹爲椽葦爲竿塗墍裝治閱幾旬匠沸工騰累
昕夕一朝屋就急倚檻愜意眞如舊逋獲雙鬢窈窕來迎
侍俯媚清漣共鮮碧貼貼新荷鏡子圓垂垂短柳腰肢窄
隔院分來嘉樹陰賭碁贏得奇僵石丞移棊几安筆硯白

養一詩集

卷一

六

拂塵牀理書籍友生問字載酒來舊侶閒招試茶格相視
翻然成一笑先生無乃爲形役容身而遊亦已矣居必求
安聖斯斥人說此廬舊姓楊無鑿先生夙詞伯亭顏片月
樓會景一時結構人嘖嘖敗址頽垣了無處數十年來事
如奕况是棲棲一寓公底事黃金虛牝擲人生分定良由
天各養其養適其適出來林壑性所耽易性違情祗成厄
但有卽時一盃酒遑問平生幾兩屐後來者誰吾不知大
塊茫茫幾今昔夜來頓覺鄉夢輕曉起仍愁詩債迫山光
且暮看不定多少浮雲變蒼白

許二叔翹明經所望說劍圖

一翁中道立蒼顏花白鬚拱手如有讓其貌頎且癯其前
一壯士蚪髯而偉軀結束類衷甲斗笠紅襜褕意似有所

陳手捧青湛盧翁後侍女五容色皆莊姝或斂袂肅聽或
相并如扶或引袖撫背或卻退若須或背負一劍中立張
兩袂旁列白石几上置琴與書向几木養和當是翁所賦
樹間一小童僮僕扇茗鑪一女亦負劍冉冉前山隅飄飄
順風翔襟帶如憑虛地不類人境綠幃屏風舒不辨山幾
重但見雲平鋪長松四五根蛇龍動睞眄借問翁爲誰吾
友蔬園吾識之圖名看劍鄭生繪筆端生氣真淋漓吾謂
石間雞起越處女聶隱娘精精空空與紅線公孫弟子俱
紅粧其與荆卿魯句踐不知此技誰低昂橫承眇昧洵知
已千里往還開電光張公大豪橫猛氣不可當思爭中原
鹿按劍盼四方李郎三妹薨相見翻然卻作扶餘王儒生
養一詩集

卷一

七

事業毛錐裏耿耿長杠向天倚小范胷中有甲兵灌夫眼
底無程李十萬橫磨盡等閒何況區區數女子未暇論功
百戰場豈須贈宅長安市可憐世上嘲刺緜歐冶無人薛
燭死偶將點鬼當評花湖海氣盡客無家壁閒龍鳴窗外
兩杯酒爲爾繙南華

題周石甫大令鶴立

仙山紀夢圖次其見贈原韻是

重山日凌香雨邀飲城東寺看牡丹座有石甫書巢

啼鴉又送春歸也好夢驚殘賣花者塵土侵入厭昨非蓬
萊蹙戲從天假爾時僕僕竟登仙青桂凌風碧海邊足下
魚龍能曼舞空中咳唾卽鈞天中閒虛院香山館香氣盈
階花照眼隔樹時聞玉籠鸚鵡護關閒吠金鈴犬小住依稀
記昔經紫雲冉冉霧亭亭祇餘白日曹騰白卻對青山嫵

媚青連霄雨冷千花泣若待重來恐無及畫卷堪憐對一
樽海天何路攜雙屐與君同是倦遊人且乞花前自在身
對酒當花須快飲夢回酒醒海成塵

高菽舫品泉圖

石棚山畔巖巒好地近滄溟卽蓬島見說山中多好泉品
茶陸羽眞潦草偶然仙令拂雲根細煮松濤點壑源能事
更教留絹素梁溪粉本與重翻九龍山人固奇逸妙畫於
今惜灰滅易代名猶動至尊當時品自超冰雪人生駒隙
漫區區得意煙雲總畫圖何處山無一瓢水何人遊少一
團爐斯圖洵足增佳話我亦披圖意蕭暇但使山人有替
人底須今昔論高下頻年買賦登樓畢竟家園勝客遊
明朝風順買帆去遲子聽松石上頭

養一詩集

卷一

王大允膺訪梅圖

我行何爲滯江干歲云暮矣江風酸白晝閉戶牕紙黑欲
雪不雪天漫漫啅雀啾啾凍無力難覓寒梅問消息眼明
瞥見圖中人紅豔襜褕好顏色綠蘿蒼蘚臨回谿山容頗
似孤山西林幽徑曲少行跡南枝北枝開已齊落花點點
侵衣袖惜香更怯高寒透平頭奴子亦可人分檢低枝比
清瘦我家小園幾樹樹此時也合參差開捲圖高臥驚短
夢明日掛帆歸去來

題龍湫燕坐圖應韓方伯芸叻克均師命

永嘉千里山所充謝客得者皆其庸名村以花山以鳥中
有矩諾羅尊者之琳宮唐僧貫休詩著語能清空雁宕經
行雲漠漠龍湫燕坐雨濛濛山僧全了此栖錫幾輩遊屐

穿雲封吾師露冕來絕壑開天容卽句寫奇境別有真宰
馮鴻蒙飛瀧濺瀑且帖息黑蜾欲舞紅蚪聾憶昔繡衣直
指東甌束扶桑一枝初挂朝陽紅萑苻已銷蟻蟻數鶴鵝
未靜鼉鼉宮戈船下瀨丞命將斷旋刻楫旁鳩工罄壑掄
材嘯魍峇然燈照作催豐露又况赭衣藉亭讖銀鐙滿獄
多耕農吾師此時事旁午不遑暇食遑從容爲雷爲電爲
雲雨淵默幹運資神功陽開陰闔燦光彩百流鹿鹿公猶
龍自此旂常紀駿鴻百閩駱越資峴幪友風子雨暢呼吸
卷舒自在青天中卽今歸去東山臥擁袖凝香眞燕坐自
古神龍見尾難收斂元工固無我芝泥玉柙存鱗而潤物
津枯歸咳唾胸次能包佛海寬眼前不見靈湫大逍遙廣
莫壽莫量溶漾冲虛物無挫宿正農祥會見求巖霖更爲
養一詩集

卷一

九

蒼生賀

題趙烈女傳後烈女將嫁聞夫墜水死卽投井以殉
而其夫實未死也

柔情微如絲急之那不斷柔情紛如絲棼之那不亂區區
抱冰玉一往絕顧算矯矯貫金石千秋想崖岸此事禮所
無此志聖所歎鮑焦無從容魯連乃深贊從來宛轉字醜
盡鄙夫案

桐城吳貞女

五教稟天紀大義一以絜致身與久要豈以男女別古聖
重抑陰原情取通脫守死以善道於婦不深責祇求便庸
愚非曰律賢哲能探心所安義起禮經揭含章筮可貞代
終補天缺煌煌著爻繫此諠誰剔抉偉哉貞女行卓然姬

姜臬慷慨期赴義從容蹈安節此身未分明此志自堅決
七年何遲遲百鍊見神鐵姑衰悼喪子有女親可悅夫殤
本無兒有女祀無絕生死兩不負苦樂百無缺宣尼存柏
舟千載爲鳴咽端拜展此卷春日北風烈大地倏皜皜彌
空舞陰雪窻前數竿竹戛戛自崩切冷然疏梅香坐令心
神徹

河豚

江鄉風味真絕倫秋來稍蟹春河豚河豚之美更奇妙膩
滑濃蘊脂且津黃鱸薦可青郎君鱖鮓鯽名紛紛總之
齒頰令涎嚙愛羨不數筋與鱖我昨江干挂帆過典得一
秤易一部手自洗刷調鹹酸脫裘貴酒作賓主昔聞此物
能殺人向人未說眉先顰厚味腊毒古所戒頤生詎謂言
養一詩集

卷一

十

無惡吾吳春江長蘆葦河魚入市日數百一魚食者且數
人不聞吳人盡傾蹶此其爲道非有他水火旣濟剛柔克
龍虎可御蛟可攻劣性貴在均調中大舜之孝湯武忠皆
於惡毒生奇功而况吾儕生死會有係此命甯由此魚致
東坡拚死豈浪然梅老惜死無乃泥啖君河魚畏君忌爲
君作詩廣君意

叔翹將赴江寧過安慶邀之飲迎江寺集者香雨凌

大書巢許大亶木單大衛根費大次香雨韻三首

時戊寅花朝後一日

晨檐噪乾鵲投刺乃吾友攬衣造孤館一笑蹙躡手淮干
風雪中別子未云久春去忽已半前遊愴回首客行苦無
悰何處覓斗酒江山亦自美此日不可負

愁陰如愁城要得酒兵破言攜二三子予唱汝當和風鈴
時玎玎沙鷺翻箇箇就中殊閒忙有客不滿座邀周二石甫以大吏
委讞獄不至身世苦掣曳此理欲誰坐從僧借四大醉便此間
臥

自我來江城閉關幾昕夕吟唔倦一壺蜀促冷雙屐生平
飛動意顧此諒非策山花日以紅江草日以碧且與數子
約攜壺就磐石良會安可常去翼欲無跡

富春渚用謝康樂韻

霽景澄遙巒生煙澹朝郭露華洲激湛翠氣層霄薄芳樹
杳葱阡連峰遞糾錯滄溪寫千瀨宛蠙非一壑耳目歡所
寓懷抱於焉託棲山夙神王運海愧羽弱因茲汗漫期踐
此向禽諾王駘足奚尊常縱齒方落冥飛有高鴻求伸笑
養一詩集

卷一

七里瀨用謝康樂韻

勞人展春心超興屬遐眺林密窺崖合湍驚觸巖峭奇岫
複疑隱明波淨生耀響答風篁聲仿佛羽人嘯蘅芷愜羣
幽魚鳥契觀妙遊宇物無礙徇名聖所誚茲地猶有臺斯
人亮非釣浩倡空攄思獨絃豈成調

峽山寺

峽行豈不深石露苦山剽豐林對葱蒨雲物頓竄窺
造巖際幽構抗塵表綠簷晒奇藥引酌接靈湫谷暗花逾
明瀑斷壁猶縹尋途荒榛間有屋喬木杪苔滋或晴雨翳
岫變昏曉窺渌恃藤胃跂磴愁石掉回旋千峰眩紫紆一
江小蘊眞昔所傳孤賞世誰紹山徑旣茫昧梵策或荒杳

猿歸雲洞闕禪寂石牀悄髣髴帝子靈低徊閱叢篠且歡
卽事美安能羨乘躋

觀音巖

韶州南去山莽蒼一舟輾轉山中央我行得飽看山眼拓
窓竟日凭危檣江流小曲勢平曠突有半壁如堵墻不知
夸娥作狡獪剖取其半投何方壁形嶮峻色斑駁黑如削
缺白截肪循巖漸前境愈險瞥眼驚見仙靈翔頓疑山靈
爲我開石壁中有飛樓傑閣排丹房石自壁半裂下斂而
上張脚直插江底深淺安能量裂處容兩楹內可十丈強
鑿磴作螺旋乘爛乃可行上結三重閣象設工排當攝衣
閣上頭俯視何洋洋閣前一石更奇怪欲墮不墮凌空僵
意是癡雲癩出谷蹙宿簷際相俛傍不然神竈之穴在其
養一詩集 卷一 七

上偶然探臂攫捫指爪定靈莖披敷組綸草鍾乳滴瀝瓊
瑤漿玲瓏孔竅宅燕雀叫噪爲樂頡且頡後無去路前逼
江山僧住此世可忘豈知名勝歟所驚冠蓋來往紛停航
兩邊石厂甚滑淨千剜百洗鏤詞章我笑山靈無乃不自
惜苦供衆眼忍自劖肝腸片帆風好我今去願爾且閉石
室完其藏

偕游白雲山次黃支山孝廉

桐孫韻

居則必擇友游豈必擇鄉古來誰者愛知己飄然遠訪虞
仲翔黃蕉丹荔紛在眼蕪園舊宅空相望出門何所見海
蟠蜃蜃山林央青天忽排遠山色白雲卻照銀海光人言
曾見安期生手接浮邱鮑靚朝樽桑羨門徐福從此去秦
皇漢武空望洋洞門飛流落珠子菖蒲節節穿明琅雲封

瀑斷幾千載世人但見雙丸忙我策綠玉筇直上千仞岡
癡龍不作田菑草半已荒便欲排雲問鴻茫元鶴蹋翅罡
風長御盤絕磴坐白石撐崖之樹何老蒼一椽兩椽偶牽
綴岩濛空翠疑騰頰赤刀黃公不狀鬼呀口看我登壇堂
歸來指爪弄狡猾拋沙撒土羌難量支山歸而病熱枕上成咏故云其樹
天漿且爲壽無鑄造物傷其藏我思古人不可作陳跡過
眼追求詳黑甜白雲與麴蘖各有疆字皆寥浪請君試擇
遊何鄉

鄧完白 石如刻印詩

嘉慶庚辰守之從余游粵東一日出其匣中所藏
先人完白山人刻印四方見貽予不覺狂喜遂銘
之以詩

養一詩集

卷一

三

刻印莫如漢刻者云誰何有唐吾家冰持論始有科至元
吾子行乃以精善誇明代不乏人文何揚其波櫟園印人
傳屈指一以多好尚各殊異臧否隨成虧大抵斯藝貴原
本篆籀塗六書得其理點畫咸可儀使鐵如使毫所向無
不宜當時漢魏人小學常不訛李吾文何輩一一通蟲蚪
鑿大使之小所以能爾爲鄧翁負絕學追冰而及期游心
入渺冥隨手出變化餘力作狡獪頑石遭皇媯神趣在寰
外阡陌初非奇願恐後來者此道無復過觸目欣所遇日
夕聊摩抄

何湘文太守羅浮面壁圖

余來南海始得見湘文老前輩于合河中丞節院
留宿授琴於同學諸子琴罷尊開輒陪言笑出此

命題率爾序述時道光元年四月朔日五星聚室
壁間逾月餘日也

達摩手提一隻履踏遍閻浮參佛祖無端安壁自障礙一
面十年何自苦賤子飄蓬心頗謂尚平賢偶聞羅浮佳便
到炎海邊要追師雄飲綠萼那作退之尋大顛有客羅浮
山下任攜琴卻過珠江渡一彈高山思窅然日觀雲峯指
間遇囊中更出仙山圖紅泉翠磴交盤紆巖下老衲獨踟
躕收卷相爲言彷彿存故吾猶憶少壯年侍從承明廬烏
府赤油管朱轡綵緹車馳驅三十載出入萬里餘吾生行
歸休林壑固足娛以彼止觀法息此塵勞軀何必斤斤問
五嶽無數好山皆奧區青鞋倘肯從我逝良杖蠟屐印當
須聆琴讀畫意已暢縱酒劇談神覺王不是逃禪蘇戶郎
養一詩集

卷一

古

竟成入社陶元亮曹溪辛苦事薰修何似安期汗漫遊確
觔一花開已了蒲根九節倘堪求郢書更欲爲燕說事業
名山待開闢循徽試與奏雲門昨夜五星方聚壁

二月十七日夜

向晚南風叫狂勃細雨廉纖慘於泣翻書絕訝手指寒啟
戶驚看月光入松梢無聲但低昂窻壁浙浙生虛光鄰家
有酒賒不得跼縮肩脊凍且僵今年入春未幾日暖風融
融應和律薰薰已類三月天慘慘復近窮冬節去冬大寒
勝常年養頭臘酒冰如甌南人疏理不能奈往往八九病
中寒又况窮簷久顛沛粒米如珠薪如桂荒畦凍菜無寸
萌撮鹽較昔價三倍昨朝暴暖稍笑譁典衣易米千萬家
一夕嚴威恣凌虐嗚咽向壁空咨嗟我行念此愁千斛今

世誰爲賈生哭雞飛豕突奚以爲短裘破被庸非福

費星橋觀察同年

秉中

泛海圖

吾聞海包地萬國如浮漚溟滓非可狀詭幻難爲謀坐令
墮地身常抱無涯憂至人憫其然篋喻諒有由置之洪波
中能作安穩流所賴扁舸壯抑又篙櫂修自載既有餘託
乘皆優游先生眞其才於用靡不周駕浪鼓雄筆拯溺苞
英猷方崇九釐冠詎止萬斛舟繡衣拳襜帷直到天南頭
開帆按五指捩柁凌雙樓鯨鯨帖尾逝黎蜃揚音謳乘風
會斯際利涉道方悠更程慎所向衣袂益綢繆
天子用濟川舍此將安求蒙也缺甃龍觀海忽寓眸自顧
不堅瓠大樽或可浮相忘江湖間鵬鷺固非儔茲生任流
坎一笑滄雲秋

養一詩集

卷一

五

康生竹吾

兆奎

榕陰消暑圖

人心競寒煖相忘吾與汝自得展懷積昕夕指難僂昨歲
徂南州滔滔涉炎暑爲我營新齋蔽芾倚雙樹此樹眞有
神狀貌鬱奇古傾柯儼相待得蔭恰用庶葉深湊鱗甲枝
迴出爪距便疑龍臥雲偃蹇恣軒舞白日不敢下清風有
時吐以此任熱海未嘗攬靈府駸駸謝駒隙勞勞感鼠齧
匆匆度危嶠悠悠至江許節物歛復周而子又遠去往塵
不自遣新踪况難仁可憐車塵黃驕陽正相海邁言屈京
洛屈指及夏五人海豈不熱洪鑪輔方鼓思之生煩紆一
夕意再撫苦無造冰術強作熨腹語持子青琅心長將玉

壺貯

偶作

神者生於無以氣相撐支當其互回薄至聲發空虛風出
土囊口披林入嶽嶽鳴于遞響答高下相參差悠然白鳴
憂亦復不自知委已適所值無爲問妍媸繪響效厥情因
神而存之斷竹均以竅斲木組以絛長短刻分杪清濁研
澗溜揉弄日漸熟造作日益滋情性有遠近憎愛隨紛歧
借氣喉吭間尋聲神已非箏琶雜前陳自謂古所無豈知
爰居鳥頗乏鐘鼓思壺公一瓢中日月與世殊時時出游
戲每令見者嗤

鮑生善之

繼培

讀書圖

面如秋蟾眼如水馬糞諸王見吾子千珍百嗜了不關
笑掉頭知有以興來寢食眞可忘帖括縱橫亂堆几爲言
慵懶難可論當以功名與撐洗吾家門楣亦復須一第朝
卷一詩集

卷一

七

登夕堪死今年秋風又瑁璆靜掩窻扉搜故紙相看一笑
且休矣人世功名亦胡厖千佛名經那足戴六時課誦豈
爲爾曰中米熟但待餽便見一花開確嘴從今束書且無
讀君子讀書自今始

惠山寺懷湛長史舊居

緣溪漾輕舸樹杪嵐翠逼推篷暫俯仰杖策快登陟入山
喜不深招提甚崇飾鐘梵雜幽響清泉寫天色殘荷一片
香悠然與心卽緬懷此琳宮高賢舊栖息捨宅知何年開
林竟誰力慧遠社仍在謝公墩莫識瞻衡徑非故別蘇碑
已泐迢遙千載上徒令我心惻

莊卿珊

綬甲

雲海浣衣圖

我昔登九華夜宿東巖顛是時歲丙子正月方初旬萬物

成閉壑殘雪晴斑斑侵晨披衣起乃覺世界翻不辨身所
在眼際無涯垠側聽地底下啾啾人語喧須臾識高卑乍
吐東方噉絕訝歷陽都夜半平沈淪極望了無覩但見波
鄰鄰金碧露遙岫仿佛海上山撼搖勢疑動變幻倏有神
回看此巖後萬壑何牲牲蒼翠淨松竹窈繚分人煙方怪
左右顧咫尺殊地天瞥見一縷白遠從林隙穿其細若絲
髮徐裊頰曳牽轉瞬成汪洋山谷浩漫漫溢溢直上出突
凌茲巖端前雲亦騰踴回互相通連頓然蹈虛空此身爲
飛仙口鼻入靈氣肺腑皆氤氳但苦衣襤潔清冷思負暄
却想天臺峯峯聳處最尊下巖往尋之冥行窮躋攀寸步
不可辨牽手成飲猿拄杖已屢卓投足猶逡巡時臨百丈
崖耳中聞潺潺旁有瀑泉落偃凍撐冶如目眩股震掉一
養一詩集

卷一

十七

墜愁難振數轉勢彌峻石梯鑄青岷陡上且千級力盡姑
少蹲倏爾天風來驟見曠宇分諸峯出鬢髻漂散鳧鷖羣
風回氣旋合昭昭復昏昏賈勇更久之豁若離籠樊來徑
不可覓已在天臺前置身鴻濛表揮斥八極旋九州及四
海自古何茫然呼吸接帝座下界空嬰纏此行誠超奇往
往勞夢魂今朝展斯圖大笑敦夙歡君遊是何許有此世
外緣意似畏沾濡地立裳屢褰沾濡正不惡浣盡紅緇塵
人海常苦辛宦海常苦屯茲惟光明海澡浴一任君至道
無視聽入於杳冥門離形御六氣洗心歸渾沌霄路有煩
累願海無迷津吾方期雲將攜手登崑崙

家心陔復來疲於津梁圖

天涯渺難卽吾意其蹉跎江上無芙蓉褰裳意云何吾子

好筋骨卅載歷坎珂陸豈無虎狼水豈無蛟鼉行爲誰
驅萬里俯仰過詎云恃忠信遂可輕風波放杖得小休陶
然契天和託宿在何許前途尙陂陀造物勞以生未死敢
有他息陰諒非遠逝者亦已多仰視滄浪天效彼勞者歌
努力爲我起斯路幸不訛甘受田父笑毋爲僕夫呵請借
雙行滕以爲安樂窩

壽陳九池

我尋舊雨來暨陽有客索句充春觴爲言俚語莫相顧新
句自有新芻償介鵬者誰今季方聲名已老齒髮強我憐
聞名未識面却與玉昆奉手嘗玉昆意氣最瀟灑拔足塵
埃見陶冶難弟難兄定顛頑三間老屋還同序碾出冰輪
海庖天木樨香裏開華筵卽今江鄉攬揆日正值蓬氏知
養一詩集

卷一

六

非年况彼劉綱有仙眷遠山齊眉青玉案比肩便是百年
身雲笈還應倍初算伶蕭雅詠皆韶咸謏勸述德愁言僂
登堂未擬奉盃罍我是詩饒非酒饒

趙玉汝以所藏欬器繪圖並序其傳守之詳見示爲

賦此詩

道家出史官作鑿閱興廢一嘆而四益卑弱遠祗悔尙象
感屈伸銖兩辨進退特懸傾欬形妙作中理繪側若鐘在
虞含響待撞搗又似人循牆偃俯但見背坎流科不盈人
滿天所概顛趾分之過節腹永无痲摩抄栢宮藏宣尼爲
深喟珍隨泗鼎淪製賴征南再斯器傳有緒云自天水代
宣仁褒忠碩獻簡拜天賚浮沈積歲年傳寶經幾輩君家
故王孫歸與弓玉類乃祖明謙賢嶽立壓朝宗觥觥銘兕

觥古昨此藪態文孫復羅此淳古雅克配模雖傳范成道
古典型在徂基肅紉綠酌潦謹濯漑有尙心孚亨不敗德
積載庶幾目爲瞿明發見諸優識字別籀古箋證吾未逮

海棠對酒吟 并序

道光三年三月十五日辨志書塾海棠盛開時尹
言趨君以課兄孫嶽生任塾中張君懷白亦以覓
侶見過與同住子東西浪遊視家如客不見此花
之開者十有八年矣小兩時作冶紅盈盈清潭未
疲欣然命酌飲不及醉爲歡有餘懷白乃繪斯圖
志之尹言持盃坐案右子兄五初對之坐嶽生捧
壺侍尹言後懷白坐尹言之次子方徘徊花下子
願捧觴趨而前一童子僂而進果榼袁二也一童

養一詩集

卷一

九

子坐地窺罇孫大也諸人無前期無招邀取諸目
前俯仰自足懷白不求工不致飾率爾涉筆神明
自超蓋皆興會所致天真應之者也夫家庭之衍
樂友朋之會集時節之令草木之繁當其暇時間
襟取暢此豈人世間不可得之事然或一歲中數
數有之或數歲數十歲而不得一值則屈指前後
有不能無慨於中者矣况乎更數歲更數十歲欲
展斯圖視顏色有不堪置想者乎爲樂當及時古
人不吾欺也各有所詠聯之爲章

絲雨暢花意油然春滿前 五初 新紅自融洽細綠相周旋

尹言 懷白 花下拂石几忘言坐相看 清賞及茲辰何如桃

李園 申者 願持盈尊酒長奉百年歡 願 傾壺未渠央莫放

花枝殘

蘇生

意有未盡復成此篇

看花憶花年花年與吾偶先人所手種及見條似拇小年
吾讀書與花日相守花邊二間屋弟左兄在右花開卽攀
條花落便攜帚兄先燕臺去五載閉窗牖花亦不肯開開
亦莫之叩比兄歸來日仍復並肩肘各自擁一羶弟子常
八九曠時爭汲泉開時共攜酒坐看繁枝發轉盼十年久
無何弟從官太歲在乙丑一往困纓鞅若鼠戴窶籛奉諱
纔得歸客授尙奔走今年自誓苦自此正邱首百歲已逾
半日月豈可狃春風正融融春雨間瀏瀏花意亦殊得爲
我開笑口憶花初種時一根瘦螭膠今來二本並生理轉
相受所聞惟讀書所見盡佳友姿如潛蚪媚顏比倭人瀏
養一詩集 卷一 三

花方及壯盛人已漸老醜膝前各有孫兄孫美瑩秀仍然
向花讀此屋幸不負三復伊蒿篇涕淚痛紛揉有書數萬
卷有田數百畝餽粥甞可供簡帙不外取薪木無毀傷庭
除少塵垢盤中羅宿脯畦畔剪新韭倚石招嘉賓牽裾速
諸舅此樂誰所貽此福良已厚如此不知止對花忸怩否
請借僧繇筆爲我圖不朽歲歲長相保花前共攜手惟花
聞此言持以爲花壽

吳越王衣錦還鄉曲

霸業江東又浙東茗原舞鳳更飛龍兔兒枉說金牀上裘
冕居然石鏡中中朝問道勤供獻尙父加封頌鐵券辜負
霜寒十四州甘心交臂慙昭諫故鄉父老望旌旂擁麤從
容願少休閒道紀年稱寶正依然小字說婆留攜持父子

迎周道綺繡川原如畫稿鈴枕銅丸辛苦多錦裘駿馬英雄老芒碭歌風亦有臺酒酣清淚欲沾衣何如陌上花開日一曲春風緩緩歸

題楊椒山先生遺像次季仙九孝廉芝昌韻

撥禍明知石投卵此頸誰云生缺裏九閻可叩九死拚一世要須一人苟沈鍊邊頭且自豪張經疏尾何不可替儒日論嗤公疏曠弩無才咎其苛豈有庚辰得持戟坐視支祁不能鎖高皇不假二王靈冤魂叫天天欲墮他年請看嚴侍郎林潤一疏防非常廟堂無煩指揮力盡取狐鼠投諸隍當其西市斷頭日保安弟子俱在旁倘攜此像並奠酌知公見之神轉傷食參烹羊亦何益隱憂從此遺封疆空庭霜飛月卓午吟罷顧影何涼涼

養一詩集

卷一

三

雁家

情萌緣以生情至要之死用情得其正是縮人倫始人以情爲維忠孝悉由此庸愚不及情甚乃鮮廉恥滔滔一世間老淚不勝灑誰言此微禽古聖重以禮

□筱漚桂海夢游圖

劍水鉞山開桂管壯游惆悵尋常倦有時賈父清平謠那無子厚居夷嘆帝子遺封古像州鼻亭前事亦風流清規院裏鐘能鬪獨傲泉邊鯉自遊當年紅旆都龐嶠犴鳥啣啾鶯花笑逍遙樓畔快娛嬉休符風土供憑弔青草黃茅年復年不辭鏡裏彫朱顏紀績有碑傳谷朗望雲無路哭朱鷺可憐久曠趨庭鯉一旦素旌懸結蟻水宿星餐路邈綿魂夢飄搖幾千里在事遙思痛定還庭闈樂事豈能禁

聊將昔日驚心地更作南陔九畹蘭
轎車曩日所經營不辨山程與水程
溪洞雲煙皆涕淚何曾蓀芷襲芳馨
更編治譜爲流布回首蒼梧添掌故
成容愉色稱其情庶幾大孝終身慕

秦澹如以尊人小峴先生遺真命爲贊復貽長篇盛獎下走非所荷也故不敢和別占俚語以贈

仲容名家子玉立秋瀟灑新詩如發硎
導窾必風雅敦素擬帥初所學鄙擗捨
累功師術蟻問途及老馬高文抱遺澤
目瞿乃心寫誰爲眼中人請詢高歌者

六舟上人別鐙圖

六舟開士逃於佛乃於世法有深嗜
磨完玉佛磨銅鐙一剔剔辨題記茲
鐙流傳自西漢我之所知有其四像以

養一詩集

卷一

三

雁足紀以年建昭永元略相類此所題年曰竟甯制度形模盡無異斑駁青紅繡土花八分小篆何工細手揉眸瞭別之真洗出精神發光膩嗜之未已繪以圖自寫其貌工滌治顛之倒之悉鐙狀伸鐙縮人作游戲環視沙彌凡八輩少者背負長者跂沈沈創斷戟尚磨抄柯况名工上法器我恨琉璃不可鐫徒以剗空斷文字憑師參透金剛禪拔絮腹孔照經笥

小門生江陰曹佳校刊

李養一先生詩集卷二

古詩

李氏三忠詩

有宋社稷臣曰忠定公綱正氣所留遺奕世篤不忘忠定之孫謙爲尉於晉陵四傳曰元祐始徙家宜興又十有一傳爲若濟弟兄若濟各用楫成崇禎進士授瓊州推官卽於甲申歲在途聞國變驅馬行不止曰予有官守此非我死地乃逐除蠹奸乃撫安黎蠻永厯始更紀往招來安南旋劾去五虎乃擢撫五府號雖撫五府衆詎成一旅 天兵之所臨枯朽不足喻潰於青頭營沈于勞家池臣力旣已竭而以死繼之相從於瓊者同產弟曰來族祖父曰頤皆於永厯元以考選授官來時入中書封藩於廣西復爲

養一詩集

卷二

一

監軍道視李定國師師敗於肇慶喪元夫奚辭頤也隨永厯播遷於安隆時官侍御史合謀誅奸兇謀洩殉以死賦詩何從容安隆北關下過者皆吞聲道旁有遺碑曰十八先生監軍膏野草侍御侶羣烈侍郎有客殯斃魂詎誰識侍郎有子娟哀憤訴神明胼胝閱生死負骨返故塋爲子竭其力爲臣致其身吁嗟乎此家忠定之子孫

代暨陽生徒謝學使周石芳先生

系英

賜閩中鮮荔

支用東坡初食荔支韻

忽然笑口低胡虛得耳嘉貺腸迴枯奇苞到眼已殊異查
梨橡栗敢並驅請解薄襟弛複襦不可逼視光生膚怪底
太眞酷嗜此果中此亦絕代姝絕代姝天下無何爲乃墮
江之隅遂巡再拜捧而立幾欲到口嫌口粗驪籠此時正

行雨頷下摘得徑寸珠吾道貴希復貴損得一示我至味
朕侍郎方分大官蔗先生自飽秋風鱸緋袍銀印不足道
高會與縉羣仙圖

又用東坡廉州龍眼可敵荔支詩韻

會聞果有精亦如香有祖不嘗綏山桃得謂知味否吾儕
坐春風何異列瀛圃塗梨并嶮棗芳潤倍酪乳分甘逮筐
筐遠貢白漳浦聞香悟無隱在口竊心數所貴瑩神魂豈
云侈樽俎西施敢唐突宰我定非汗

擬補荔支香曲用東坡荔支歎韻

驪宮新撥昆明灰花下羯鼓夔夔催橫門道邊雙隻俟日
夕萬方筐篚來就中奇尤產瀛海安期童女絲籠採珊瑚
火齊江妃擎不比瓜瓠豪駝載窮炎州極巴涪綏桃羨棗
養一詩集 卷二 一

邀仙遊擘丹子無纖瘡玉魚龍扇同爲瑞嬌紅一捻牡丹
芽新剝雞頭膩不加香透歌喉沁詩腑解煩笑煞鳳團茶
祇今遺聲安在耶帝王那及儒生家分甘遠道不嫌少口
香自吐青蓮花

游江陰石灣次路人蒙山明經同申韻

春歸倉皇不可逐走向長流濯雙足天風吹將上飛嶠瀛
海溟茫不盈矚佳僑彭羨從我游揮手青雲謝塵俗爲題
姓氏丹崖邊留取滄桑認遺躅

許潔齋任溪垂釣圖

新安山水稱絕奇碧嶂仰插丹崖垂丹青粉本所不到獨
有雲氣相撐支其中一溪獨蟠互扶疏草樹桃源路臨溪
磬石長莓苔石上猶餘膝趺處云是南朝任太常一麾出

守此相羊杖攜湘竹緡絲靜飯熟桃花釣餌香一千餘年
仙境冷老盡長松落紅杏有客溪邊舊任家捫蘿重與
孤影儵魚隱隱水迢迢知道筌針總不勞竟日綠蓑追甫
里何時赤鯉駕琴高溪山如此真清越便欲相從水雲窟
不學吾家老謫仙釣鼇滄海空明月

潔齋課子吟次韻

道心無殊管獨任意蕭瑟飄然撫身世未竟付來述君子
明發懷黽勉在一室勇勇玉樹花馥馥香繞膝疊疊念好
脩勤勤散編帙黃金雖滿籟不敵授經一古訓亮爲美感
此意轉恍陶公有阿舒不識六與七他年遊廬山聊與荀
輿出佳否理則異榮悴固難匹儒冠愁誤身翻爲少陵怙
陳受笙記海天風雪圖事郵以索詩時放舟泝涇雨

養一詩集

卷二

三

雪雜下篷底書此

天公玉戲開廣場銀龍珠鳳紛翱翔青嬰鬪寒素娥舞磨
曼瑤玖聲鏘鏘非雪非天亦非海一氣溟茫脫渣滓眼纈
緣知別有花望洋豈止難爲水登州海市石廩雲子瞻退
之詫所聞偉哉造物慣狡獪欲令筆陣開奇勛我今飄飄
水雲際山色湖光亦妍媚何當直刺子猷船便訪成連盃
胸次

山陰蕭子滂

以需

屬江陰張懷白寫照兼寫諸友并

令弟子蒼賢小阮黼東凡十一人爲同舟圖宜與

劉彭甫

整

爲之記攜以索詩是日子滂觴我於講

院之輩學齋集者九人皆圖中人不與者彭甫
黼東耳飲罷復登君山尋殘梅望海門慨然有懷

卽題其卷時道光五年二月十一日也

入春五十日十日九日雨今日風日好頓覺興可鼓呼朋
挈壺榼入坐忘賓主縱橫飛觥船料量配醅醕壁間拓橫
幅一一肖眉宇居然答形影便欲相爾汝聘君中鬼叢老
友得原父挾册博士仰讀畫僧繇俯令弟傍倚檻小阮前
闕戶船頭坐者誰張目說今古孝廉及茂才肥瘠各媚嫵
公子立傍梳拱手顧而語下走慚長年挾柁若遙許茶盃
水壘側同姪背吹火生氣出毫髮夢蜨眞栩栩公子那得
百斛船載此閒友相周旋掛帆何方泊何所試在位置巫
門邊春申之山高童童當年珠履多英雄洪波滔滔東到
海猶鬱餘怒旬旬飛濤瀧巖舸巨艚日出沒鯨牙鱗齒相
撞衝圖中之人膽何壯敢破萬里乘長風去年仲冬十二

養一詩集

卷一

四

日惡風無端恣狂妄一日一夜無停聲驟如三軍喊如虜
巫支祁驕掣斷鎖頭觸淮堤尾捎扶巨障橫崩水懸注幾
萬生靈潑蟻蝨山陽廣陵半爲海洪湖瀉乾不沒膝都水
使者相對泣壘高掘深已三月漕渠一線不可行飛渡千
艘恐無術春來差喜雨水多挾雨江湖並堤溢樓船嗷嘈
銜尾前計里斯時抵石鼈三閘新來通利無太倉何日輸
嘉粟恬哉此舟如野鳧中流方羊樂只且脞旁蓬蓬浪花
起咫尺風雨當何如失聲一擲瞪眼視十數措大安施乎
會當努力作篙槳縹緇矻矻勤倚儲天風浩盪吹衣裾梅
花微笑俚山隅汲泉敲火與燒酒日已斜睨吾歸歎詩成
頭情不辨寫請攜以還付阿買并煩寄語黎人此刻難

書且須罷

講院荷觴酬韻詩 并序

予主講暨陽於院中隙地徧莠花草春秋佳日巡
徑取歡院西南隅之垣外有方塘畝許蘆葦塞之
垣積草蕪叢翳不可近予乃葺其垣而環之拓院
牆結松亭以臨池上芟榛莽鋤葭蔴蒔以荷花比
夏盛發具飲招客范石湖吳郡志吳中歲以六月
廿四日遊荷花蕩畫舫雲集蓋緝柳編以是日爲
觀蓮節而流俗至今猶以是日爲荷花生焉說雖
誕俗可因也集者三十餘人成詩者十有餘人各
依其韻酬焉旣罷張君懷白復爲寫圖而記之是
歲道光之五年也

酬祝徵君子常 百十

養一詩集

卷二

五

開池種紅蓮蓮生水淪漣池水清若泚蓮葉淨成田葉多
增我想花開滿予望見花如見君一見一相賞花開旣有
時花生豈無日邀君一杯酒酬我幾詩筆吟花代花語君
詩一何苦不聞歡笑聲但把秋期數賤子請一言有花必
有果旣不染汗泥清冷固所可無以慰君苦聊當報君詩
覽詩三歎息且復進一卮

再酬子常倒押其韻

興來忘主客各盡金屈卮一奏水仙操再歌采葛詩前筵
稱花壽茲筵餞花可花意亦流連欲去尙未果閒將蒲孔
穿更把蓮鬚數剝仁棄其蕙得甘那知苦說詩無害辭寫
貌不在筆行樂及時耳晴雨任茲日得酒已經醉况有花
堪賞朝朝花朝朝非想非非想要想花常開除是海成田

慚愧白頭顛照此清且澗

酬季仙九

六月造冰那愁熱卅人促坐語轉密借問先生此何日一
方清池躍陂隅架構松厂披蘅蕪片石可掃筵可敷昕夕
獨對心躊躇吾友濯濯皆新芙好花好友真相須試鬪刑
尹誰尤殊尋蓮等藕夙所圖却訝仙骨何緣腴狗知感惠
花之愚朝來滿鏡紅雲鋪光與華渚流虹俱是日廿四開
廣座花如迎人客如妥道是花辰花意可細果薄漿不嫌
瑣莫言轉眼西風來葉間魚戲方悠哉洗鎗敲火撥電煤
甯倒玉山無恥疊多謝好花稱私祝多謝好詩飽吟讀是
詩是花吾眼福

餘詩見後近體中又文見祭告類

養一詩集

卷二

劉鵬峯采芝圖

六

暨陽酒人有劉髯方心直日生稜廉三杯入腹已兀兀一
藝得手常沾沾生徒環坐以十數左規右矩神明嚴紛然
投卷如落葉口講筆授無停淹矮壺深盞時自引只愁瓶
罄無人添闕來煮字不得啖往往索伴尋酒帘槎枒肺肝
得小豁雄談劇笑百不嫌髯年六十髯未白壯氣尚欲千
人兼前歲田荆一枝折告靈涕泗悲僧謙垂老支撐舊門
戶益困瑣屑酬壘鹽坐令酒量比小劣不敢張幟矜鋒鉞
誰與巧工肖髯貌阿堵神到秋毫尖雲根跌坐意獨往拾
得紫芝隨意拈僵立石丈出奇致並竿疏竹能修纖羽毛
離從兩鶴子欲飛不飛神正恬此時頗復思飲否我欲徑
前祛手搵雨歇春波乍搖穀花殘新綠剛壓檐蠶豆將肥

接燕筭河豚已過饒江鮎君山大好酒場戶接羅劍載誰
我鈴不見山邊松柏路酒澆土上層甯霽平原青州任臧
否到口莫問酸與甜古來聖賢皆寂寞青蓮此語堪針砭
渴羌詩成舌轉燥袖卷就髯求屬饜詩凡三百六十有六
字請以一酌當一練

曹氏種壽堂賞菊聯吟頻年爲例今歲酒人星散頗
覺渺歡峻堂索詩率爾成此

金商一昔喧晴昊吹萬刁刁出空竅我上層巖招海濤直
壓天風發長嘯江上鼉鼉晝寂寥山邊草樹秋清峭興來
何處酒杯寬高開臨街不須導尋幽未涉徑三條入座卽
看花四照耀眼深深護錦窠聞思淡淡參香窖渴羌但覺
杯來遲觴政不行飲爭醕主人誰氏今清門段干市隱能

養一詩集

卷二

七

高蹈會節千斤通邑鮎澤文三日南山豹主人愛花得花
意百巖環階日巡徼主人愛客盡客歡侵曉筵開夜燈燒
主人愛花如愛客登諸高堂薦嘉號主人愛客如愛花消
息尊疊劑寒燠我任江干已四年花發年年折簡召招攜
朋侶皆酒徒不憤不巾皆徑造今年小覺飲興減酒半停
樽自商鼓子丹佳人談壘壘鬼唱秋墳螻蛄弔亭喬公七

十誇雙鑠遽挹浮邱逼松嶠

子滂廣文

蕭生兄弟玉樹行江漢

波長雁聲嘹

子滂

蒼陽羨溪頭大小劉出處雖殊各無耗彭

春祝翁當筵最神王危危玉山每先倒無端鶴病成離襪

彭

人血難求孰爲療子滂回頭舊雨已如此屈指晨星更難料

彭

黃公芝盡甘冷官計日門前倚征權

秋

四門博士本阿鳳

會插華簪奉

明詔九知道明年種壽堂對酒當歌幾同調葉落何曾更
上枝夢酣無奈終成覺卽今杯酒未爲貪分寸光陰直須
盜竹葉於人大有緣菊花向我常能笑攜燈出門踏霜月
高城巖更已三鬢歸來和衣放倒頭枕畔烘烘酒兵鬧夢
中言語信口拈如步虛聲半天掉煩君寫向花間吟不妨
再落參軍帽

祝賡臞

登輝

焚香省過圖

吾聞張文靖記過數黑豆又聞趙清獻告天恐負疚君子
之學戒自欺有過無過誰當知自省自訟無已時十手十
目常在茲君之行事世所希損以遠害義勇爲觀君體胖
識心廣豈于爾室留瑕疵蘧賢常恐過未寡遂覺今是昨
尙非開明牕階淨几購都梁辦沈水朝焚煙青暮煙紫吾
養一詩集 卷二 八

謂非薰直齋耳文靖清獻一瓣香虛室止止眞吉祥

孫崧甫明經溪山春曉圖

君家蘇門嘯者之子孫性嗜山水如饗殮壯遊不論幾千
里坐隱隨地開芳園瑯琊館瑪瑙泉隔鴨相望通雲煙一
邱一壑可位置買春買夏遑論錢披圖却憶舊遊處彷彿
八公山下路幾時栽得許多梅草石平添無限趣潑澗溪
欄接東肥冰雪叢中香滿衣山意已醒波欲活相看此是
好春暉亭臺相望原非遠遠勝尋芳口口口呼童取酒恣
行酌更向溪邊弄大阮有人倚檻早凝眸指點花光擬畫
樓開懷自寫天倫樂何減青蓮春夜遊怪底留君不肯任
此間此樂那能遇一語留君須暫留看過君山早梅去

丁亥年荷觴酬韻

性頗嗜佳句而苦不善詩又手乞一聯與否難可期假寵於名花此討良亦奇鑿沼數十弓蒔花千百枝豐柔健仔骨冰雪姑射肌有如江瑤柱聞者皆朵頤履舄交眾賓剝啄遑云疲寤寐彼澤陂溯洄伊人湄往往倒載歸不異習氏池如此三年來詩境常修治卽事且爲樂念往多參差前年十二客各各神仙姿詩牌鬪先構鴈政任所施去年舉斯爵忽忽神不怡喬公遽彫謝腹痛醉空卮宜興大小劉分地峩弁綦蕭家好兄弟巫雲勞夢思所幸祝次公鑿得同翺嬉今年舉斯爵茫茫意無涯傷哉同心人草堂彼一時卅載如旦暮已矣能勿悲黃公以學住試可尙末期留者僅吾子苦苦訴將離踈烏刹那間聚散焉取斯明年養一詩集

卷二

九

一樽酒知復誰與持賤子成漢落資老固有宜君子凌晨葩努力耀朝曦窮愁不爲病且借詩酒醫偏師幸尋盟聊願屬鞬隨君嫵蟻封窄廣場樹旂組練四百士介馬滿長馳此皆一當十大敵安敢欺吳宮教戰女爭從壁上窺赤墮擅廣袖翠翬麾明漪颯爽來助戰瑟瑟生秋颺何異鄒魯閔三北其奚辭乞降諒不納獻此忸怩詞礮礮戍或斂回谿翅終垂賀錢旣已入杯來亦不遲所餘風鶴驚屋角叫餓鴟

酬蔣適園

華頂洗頭盆船藕隨所植移之置濱沼無乃衰鳳德紛紜厠菱蕪俯仰常默默有時發華耀似爲悅已飾清風欣晤對赤日謝遐陟松榆傍作圍蜻蜒繞如織雖非招涼館或

謂華胥域憮然念前賢使我面欲絕此院何年構彬雅集
子墨擇地經屢徙規置事孔棘吾師首登座抱經先生高又鬱

華國藝圃拓藩籬荃蕙羅闕闕披華何彼穠啟秀苑其特
至今花木記油然出顏色下走忝後塵龜勉守遺則棟宇
幸繕完琴書時拂拭穿徑出南塹結茅倚牆側種樹豈所
長物理稍能識所冀旦夕勤峻茂如我臆養花沃其根養
果去其蝕原泉能混混涓汜自湜湜凡茲覆露功實賴邦
賢力竭來三四年人事愴追憶老成幾徂喪士類罔不盡
楊致樵祝璣
鬚子常諸君先生今碩果遺種視含慧稼但力穠褻獲豈
問豐喬門墻盛桃李一一仰封植投我錦字詩深愧無鹽
刻牽率答嘉藻神氣在離卽有如東家施掩袖畏花逼

酬孫崧甫

養一詩集

卷二

十

手折疏麻訴荃宰黃河之清那能待願向蜉蝣借羽衣酒
如天漢花如海海邊鷗鳥母寒盟有壁不羨十五城三萬
六千場好醉花亦不老人長生會是排風有毛翮何必黃
山碧溪月不作花王風露郎便爲江上菰蘆客移來玉井
十丈花擎取赤城千片霞偶然吟詩傾斗酒拈一兩句不
成首蕭蕭廣庭寥寥短楹間招步兵時呼宣城爭妍盡環
燕列侍皆飛瓊得吾子來喜難說居雖隔廡如同宅朝看
初旭海雲紅夜踏殘蟾楚煙碧造樓何必董糟邱醉中自
有大九州灌園何必於陵子操蚓廉螯詎爲是人生行樂
但有此螺贏螟蛉等閒耳風冷聊從禦寇游霧濃莫入公
超市飲中攜得新詩來云有去志心低徊幾年舊雨愁陰
閣幾日新歡笑口開幸結閒緣好攜手莫從駒隙爭然否

他年人鏡新芙蓉江上秋風試回首

酬孫問亭廣文

先生之座七寶裝先生之署寒泉冽

謂馬公井

我借春風暫拂

花飛來玉屑明如雪先生能詩不能飲斗酒空爲石才折
此花頗濃卻道清此官已冷還嫌熱

有去志故云

我有蓮花妙

法經酒酣請向先生說

餘見後詩餘

題仙九怡雲圖卽送入都

仙九九仙骨矯然青雲端松篁挺神秀冰雪雕肺肝有時
落咳唾珠玉生毫翰騰華作卿喬郁郁紛紛然低徊出岫
心寄此尺素歡抱膝亦何念非懷邁軸寬生爲應龍姿肯
向墨瀟蟠友風乘變化爲兩方盤桓卷舒諒非我寰宙長
養一詩集

卷二

十一

能安世事任蒼白吾道無暑寒卽今驅車去天路浩漫漫
眷此舊巖壑何時當復還東西常相從君孟我愧韓倘憶
山中人芻子江東篇

江陰人士頗喜藝菊每過重陽輒爲訪菊之遊亦時
時有銜杯之樂今年已立冬此事寥寥砌下數花
憔悴相對小飲悵然用陶淵明止酒詩韻

歡來能牽人一往不知止意行從所適銜杯菊花裏或云
點也狂復挾六七子夙逐晨曦輿夕盼明蟾喜如此有年
歲躡者遂忘起競茲駒隙陰成虧固其理憔悴愁圍花彫
零感知己豈無杯中物獨御亦已矣歡往難追尋憂至絕
涯涘何能一哀樂縣解詢子祀

陸□□賞碑圖

碑刻最唐人其初重歐褚孟師與醴泉舊拓渺何許突然
梗梓谷珠玉竟出土其書法登善一一逞媚嫵傳之數百
年石已裂四五收藏及瑣碎有若珍璜瑪珂處得茲本毫
髮不啻竄向來藏書家傳之亦有緒護以錦繡段寶貴若
定武繪圖已再三傳觀徧儔侶鄙人願有言此物未爲古
當求夏岫嘍近則周石鼓鳥蹟頤皇造籀史六書祖飛騰
盡變化曲直守規矩百籍由之通小學以爲主餘事及鐘
鼎橫斜別其部義理宏益深游藝茲有輔區區王居士緇
流一僉楚敬容彼何人奚足當齒數主人輒然笑妙處君
未睹箴我以玩物喪志固其所竊意眞嗜古博觀先近取
但於所見者慰我饑渴苦市駿幸得骨駿至或堪詡於其
所不見續當求而補賤子倘然失君意一何撫便請自隗

養一詩集

卷二

七

始稽求益水乳來風必空谷來窠必枳枸會當斯冰上何
止歐趙伍鳩膏及叢殘樹功必藝圃

陶中丞雲汀先生海運圖

裨瀛在天地稊米在太倉以此維正供役彼百谷王銜尾
千百艘逐一鳧雁翔直抵析木津疾若天船行天吳粲然
笑羞彼淮與黃前事得龜鑑涉險咄鼉梁

帝德侔造化

王路窮梯航籌海資勞臣擘畫周且詳非徒天儲供及時
成浩穰非徒河隄使藉可力濬防東南民力竭司牧多孔
瘡嗷嘈樓船聲叫噪未渠央藉茲暫息肩徐與平料量壯
哉洵遠猷通變乃久長高臺矗海溼翹首極混茫此時勞
臣心遠與雲帆將

和雲汀中丞二月十七日吳淞江工竣放水作歌原

韻

揚界淮海包江湖錯綜疆畝浮比閭壅卽一川可騰沸利
則萬派安徐趨豐凶苦樂總由此諒哉管子言水樞河隄
使者每失指解絃膠柱味舉隅朝議或類臧三耳道謀况
載鬼一車前年支祁作無賴穿漕敢過

天倉租公鷹

帝簡特移節百輩玃玃公魚魚海王惕息効將送牽輓豈
必資長渠夾碣遠師神禹智括船立破儒生迂內河平行
小苦滯吳淞泥濘百里餘今年下令急濬滌萬夫荷鍤聽
指呼先時綢繆握成算往事夏海空揚鋪稽經誼史胸若
鏡景山度隰躬登墟細參呼吸辨潮性舊設障閘盡掃除
養一詩集 卷二 三

帆檣爭湊估客樂早潦有備民安居長歌浩然繪借樂快
若決漢盪積淤頓令煙波入想像徑欲泛艇撈蒹鱸鯁生
家住北江尾入江諸港殊盈枯中間孟河最關係爲公前
席雍容揄此河自唐迄明代昔通峩舸今乾嶇京江冬堵
月河塞商舶賴此爲委輸兩厓之田復高仰一滴水比天
漿濡工經久廢事本鉅急思借

帑計轉愚其西呂城有浦瀆下游相接堪鬢梳若通斯河
工較易功成爲利當不殊敬臚芻言乞清燕別白一是求
分區附呈士人鄭良弼言啟
方二文以備芻蕘之採土民望公如望歲香花旦晚

迎公輿

汪桐生猷中采蓀圖

飽聞黃山天下奇此生蠟屐知何時曾登九華看雲海天

都列幃如蛾眉天上仙靈此灑掃常叱乖龍種瑤草世人
採掇不知名孰起雷公辨莖稊有客探奇說壯遊一枝一
葉籠中收鹿銜鶴啄之所剩斷崖石硤窮冥搜靈山催放
雙相去留核蟠桃幾成樹定是前身本謫仙許灌芳園作
瑤圃竭來畦畹竟何如懷夢聲風信有無無分攜鋤與分
種有緣點筆爲題圖卷裏煙雲看不足可憐下土還塵濁
長鏡白木且歸來杜老空山有黃獨

芷林梁方伯

章鉅屬題仿禹鴻臚卜居圖

汀洲幾日來春風新蒲綠篠交蘿葱山光水影兩不辨眼
前一片青濛濛誰人縛茅此中任攜幼招朋自來去短艇
橫浮蘋葉灘空罾斜倚垂楊渡當日鴻臚寫此圖閒身眞
入畫中無百年粉本爭傳玩幾輩詞人費揣摩自契天游
養一詩集

卷二

古

高位置江湖魏闕無殊致畫師也落第二機詹尹何容知
此事

梁方伯以虎邱古鼎歌命和次原韻

宇宙文章倬閎麗書有六觀詩四際兼苞典諧雅頌遺昭
日回星吉金字宣和當年盛搜括飢餉餽饋列彝器坐令
儒生想復古摹形傳義煩勤志詩人一一矜訛新筆挾雲
雷吐奇氣好詩傳世每借題神物關天豈終秘虎阜僧廬
舊名勝辱厠肆塵苦底滯白虎氣盡魚腸飛唐塔隋碑空
位置此鼎何時出塵劫有似霜松壓茅彙能行能息名自
命文系以吳地吳地中丞選勝追暇日招客按圖閱山寺
手撥灰食辨青綠旁諏叢瑣求典記太息顯晦爲長吟石
鼓韓蘇豈殊致惟公奉職旣得理業炳旂常召郇繼遊才

眞賞忘泥塗一器摩抄特其寄久知從政如烹鮮若作和羹劑滄沸自昔明民先正名力返敦龐謝茗翠點畫毫芒備研悉別白一是勸如識玉鉉金耳登明堂瓦甌康瓠不中吏會使神奸無遁形懸鏡虛堂櫛蓬髻

帝曰銘功著薰竊太乙臨爐電光掣此山此鼎同不朽合

符詩書永年歲

時方伯方攝中丞

汪性初以生壙圖屬題時正爲亡兄營葬事在原之痛觸此彌深稱心而言語不能擇

五倫有眞樂最樂乃兄弟疴癢非殊身呼吸歸一柢小時鈞笑啼長更通聽視妻孥雖云好究與性眞詭朋友雖云密淄澠各一水何如華與跗生理兩相倚汪君示此圖披圖讀君記未半神內傷終篇雪如涕賤子有哲兄愛弟入

養一詩集

卷二

七

骨髓書讀常連牀夜臥每同被甘美不獨御衣裳必均製旬月不相見往往入夢寐中年困人事別輒曠年歲晚乃得聚首顧景惟恐墜從容爲弟言百年諒非易爲歡幾何時轉瞬死將至生時苦歡促死或絕移徙當與汝同穴終古並肩臂賤子笑而答此恐乖古禮不若擇閭敞相比作幽窻咫尺聯簷楹朝夕成晤對所願未及營阿兄遽捐棄遺言猶在耳此約那得遂敬當奉遺骸及早安蒿里先塋有餘壤穿隧神祖禰死者如有知此恨詎云珥生者雖未死生日亦短矣茫茫視前途切切負芒刺君懷何磊落君計復深至便將身後圖狃作目前事俯仰卽陳迹得此且快意期君果此緣雪我銜骨恥感此心忉忉出語忘忌諱知君弗嘖怪君意固爾爾

性初嘗曠與其兄合

又洲先生負奇氣，跌蕩世事雄。如文肺肝槎枿出，芒角齒
牙慧艷流清芬。一朝感遇短簷下，廿年藁筆丹楓宸。曼倩
詠諸妙，天下公卿色。動舌若捫厭，承明廬求自試。翻然出
作髯參軍，江濱冷署苦寂寞。事或不選熱，豈因不沈不浮
又廿載染黑，拔白何辛勤。一階平進竟得隴，引年笑却巾
車巾。小年頗似母昭裔，借書受侮心斷斷。同知薄祿曾有
幾，累寸積銖徐摭掄。居然插架一萬卷，朝咀暮飲忘其貧。
歸來買舫與同載，盈倉塞艇難容身。三間老屋略灑掃，檢
點籤軸先鋪陳。小齋自署如執燭，低頭兀兀窮朝昏。吾書
豈可授庸子兒學，已就姑課孫周旋。一室樂復樂，謝絕羔
雁無紛紜。君家清望冠滕牒，累代名德承河汾。卽今奇童
見頭角，轉盼繩武排風雲。展圖自詫還自笑，我亦伏案爲
寒蚊。有孫九歲漸成長，懶不自課求他人。芸人舍己固失
據，調猿御馬愁難馴。尋當從君學師法，他日小友誇同門。
郎文臺畫松下牡丹爲鄒雅存 禾題

標格雪霜勁，懷抱春風深。緣知德不孤，見面卽見心。

德西礪明府 宣 貽詩題曰酷熱才來宜攝心待之次

韻奉酬

外物恆河沙，我心乃列肆。如以目鼻口招彼色香味說，寒
膚已栗說熱腸。先沸不求息，陰處但祝白日墜。是名苦中
苦，求遂無一遂。今我與心約，無與外物比。我心本非有，彼
技安所試。假如虛空中，豈畏百爐熾。繪風固小術，造冰亦
鈍。置炎涼及苦樂并之置一器，到處絕沾着。所向皆吉利。

便踏大火聚焦灼永不被得全而全存不傷非善避法王
法如是諸法皆粉粹

荀子儒效篇楊
倅注粹讀粹

德明府滇海南歸圖

身世陶今昔勞結關天誠契契念明發駸駸感斯征萬里
豈不遙況乃辭幃帳飯登頓亟水宿風潮并齒至尹環
列宮版固有經茹泣別燕寢靡盬趨王程十載羽林郎
勉影朱纓愛日敦詩書丁時奮翔鳴滔滔迅波逝壘壘
歲驚致粟乖負米奉幃空專城圖畫改顏色涕淚爲縱橫
運往詎堪把時來意彌悵側聞先將軍風義冠萬英戎凱
殺敵果師中丈人貞慮變有元理幾先無智名才紆未酬
志嗣緒記有成使君久滯留冲襟詎爲盈百里亦朝寄一
經惟政衡涉世如遵途夷險非力爭端凜跬步訓未畏卻

養一詩集

卷二

七

足行滇山高曷極洱海廣且清庶幾迪前光補勒天柱銘

德明府以題孫虔禮書景福殿賦眞蹟詩見示次原

韻

藝極猶懸權識質或幹鼎要能天際翔庶不鼠穴騁章草
篆之出阡陌破邱井崔張趨簡易有若竿取景當塗典午
間縣密轉清迥右軍守恬暢如水以淡永大令劇飛騰翼
翼駕項領雙源遂分導百旒揭一隼文皇負眞氣縱送劑
寬緊兀鼻屏風書想見龍德靜咄哉挺度禮駟一何猛
書譜入大王區瑒辨町町瘡墮卻針腦蚤正必眦縷茲賦
追阿敬推陳更標穎一掃旭兼素重觀芝與靖離垢參書
禪妙香可默省鑄之璆琳珍長使奎壁耿苟非洞見垣所
恐礫糝礦肘腕論回旋走也謝不敏願焉矢盍各率爾子

母晒

經參戎 文世 克勒馬歌次德明府韻

書生騎馬如乘船，抱鞵據鐙卻復前。但聞說馬翻色舞，直欲抵掌談幽燕。長白參軍得克勒，于古大宛西海邊。一團黑雲護龍子，三花十萬空轟闐。時清無事作款段，緩裝騎出驚圍塵。坐令使君感髀肉，思一蹶躩騰華幘。又愁微纆累千里，仰首一噴聲造天。使君往年驅薄眷，此邦色笑頰。乘駒尋常率馬及，下走小駟卽戎愁。溢旋駿無可守，願守跛力有可効。當効牽黃金臺，高馬今至中原屬。韃甘執鞭嗚呼少陵老坡賦，馬詩句千秋新決波發電之足入手皆調刷。

江陰縣廡積石次德明府韻

養一詩集

卷二

六

到公睹奇礪米老袖靈石五嶽放眼空，一邱所懷特雲煙。良孕精草澤當物色藉，守永貞貞豈假繁飾。飾使君標介如履扁方抱式補，天工鑪錘疏曲勇披擘。偶回雙眸青睞此一寸碧，近歡星辰捫遠謝屐齒。歷迨爾養谷神頓與羣動息，寥天去安排大地等栽植。坐愁朱顏彫亦恐芳草歇，瑰詞宜就鑄山壽。本仁德來者無賤珉，有斐允如璧。

和德明府早適東郊作次韻

初夏行江孺，芟舍喜衝曉。海光銜晞微，迎抱入空窅。交阡效疆畝，遠樹當郵表。烝然麥氣潤，迺爾田舍好。銜父已在眼，閭閻幸可飽。芸生託天工，何以蕃庶草。官官諒無心事，詎爲擾。

聞香讀畫圖

聽香能得聲讀書皆有句是於悟中空亦於空處悟一以耳爲鼻一以目爲口寂照歸圓通根塵復何有菩薩觀世音病夫聞蟻鬪違材而易務畢竟誰者謬我道香非香亦知畫非畫一心超萬有耳目絕牽挂我詩亦非詩君貌亦非貌相遇於虛空相視成一笑

講院隙地構小石爲巉巖亦復成趣感西禰明府作

疊韻一首

悠悠寄巖空不玉亦不石壞壁欣聞絲瞻庭愧懸特庭餘蔚蒼陰壁剝糞土色魚鳥知人親塗茨不我飾聊求熊虎姿小綴嵩華式山靈貸瑣細石戶勞割孽苔黏新岑香土繡古花碧居然安磐磐暇卽數歷歷跂磴神飛揚結趺影默息篁苞互參差蕭芷鬱叢植未能道心長亦覺塵事歇

養一詩集

卷二

元

歛歛齊毀譽成虧謝怨德何當管夷吾什襲使爲璧

史百川蒲團靜課圖

有人讀得書五車胷次灑灑如無書名理窺窗一輪月好花當眼萬琲珠羣從兼之過末似風神想見瓊瑤如可憐相聞不相卽兩沈水勢寬于湖

嚴眉岑以所得古甌見饒

漆園亦有言大道在瓦礫每下乃愈況固不遺纖悉讀書嗜古香殷勤何不恬所以孔子履王莽頭同列三代珍彝鼎漢唐重碑碣此時苦所乏下乃至土壘如佛之有情涅槃逮化濕摩頂與受記一一超浩劫茲時出泥塗轉瞬寶球壁諒哉君子心瑣瑣詎云癖

吳碩夫

特徵

將之官甯美屬爲贈行之篇秋熱轉酷

夜不能寢露坐空庭悄然成此

蓐收已孛令祝融撓其司爐煇出盾日瑣瑣逃傅箕庭塔
大火聚几席成熾炊氣出不可內膚燔旋欲糜宵晝劇展
轉手足無所施似聞菟姑射乃有神人居一任金石流不
爍冰雪肌我今便欲往安得鸞輪馳君子鐵石骨隨遇能
透迤置之洪爐中百煉要不移造冰自有術懲羹徒爾爲
小官亦油油柳下誰云卑征車一以駕乃至漢沔涓送子
烈日中念子嚴霜時寒暑諒無改望望難可期詩成山月
吐瑟瑟生涼颼恍然來故人慰我須臾思

鄧完白登岱圖

日觀峯顛置完白人奇境奇兩難得畫之又得羅兩峯叱
石驅雲致不同斯遊奚止四十年我今展圖猶眼前先生
養一詩集

卷一

十

精彩固不做奮袂盱衡見其概今我老憊復坎珂行吟一
室繭縛窩夜來有夢尙魂磊倚杖黃山看雲海嗚呼完翁
那可再泰山鬼卒今安在獨立遠想成蒼茫情惻語悄悄
能長會當尋君還大荒收攬魂魄從雲將

朱瘦筠明經

光緒

久安圖

畫鶴

鵝九

仲宣亦有言鶴鶉欺釋子但視若可得吾意亦自喜世間
安心法大抵皆爾爾唧唧穀穀八九頭相從蓬艾眞優游
陳笠漁明府

希敬

屬題其尊人秋江明府照

丈人清節淵以憲塵外翛然出奇特吟風弄月有情仙蒸
菌華芝太古色伊誰比德祇修篁照映鬚眉盡老蒼却對
清漣思綠篠鴉鋤分種向瀟湘在手春風參造化琅干千
尺知無價長成鳳子已干霄轉盼龍孫更方駕閒依松蔭

拂雲根香裊茶煙酒乍温有分一尊傾竹葉古歡長與此
君敦使君阿閣儀毛羽暫屈鸞棲不言苦早識錢塘一葉
濤旋澆江國千花雨問寢承歡正及時錦綳繡祿茁參差
會移父母臺萊頌補註淇泉有斐詩

陳笠漁五溪遊稿

遠適念明發端憂展遐賞殊鄉詎云美涉樂彌以愴君子
逝衡嶠嶺渚修且廣登頓困投策沿洄任鳴榜匡窺每攀
絙水宿或穿莽階天出溲沈踏地覺忽恍星辰如欲捫忠
信不可杖蠻徼辨盤瓠叢笑錯狃映深宵交虺蜴白晝恣
附兩諒無區中歡未辜物外想辛苦訴危柱勞歌動塵鞅
偏澁幽興溢艱難道心長遙吟韻林筵清嘯答谷響削鍊
疑有神觀化若示掌荃芷時一逢脚踏慰孤往況以庭闈
養一詩集

卷二

三

趨鄂鞞復競爽銜思有離合卽事多慨慷蕭蕭緒風中落
落碧雲上紛茲瓊琳陳頗媿鐘鼓響周旋奉副墨盈手素
輝朗

休復居吟爲毛生甫

獄生作

前水非後水古今相續流今人非古人一逝歸山邱形影
永不接心魂誰與收眇焉託豪素來往通綢繆水味別淄
澠人品殊剛柔所嗜復乖方何以相獻酬之子信民秀造
道能優優衷藝必一致通識資旁蒐遵途守大雅枝葉皆
毘劉長流指溟渤滄潦歡浮漚豈伊異趨操原本固不謀
相與抱微尙黽勉敦古修

晨興俯廣池露下清且瀰芙蓉坐銷歇秋慮淡如此愴然
懷遠人人遠室不邇蓑裳云未遑寤語勞虛擬斯文盛軌

躡循之有本始正僞分較然傳緒瞭可紀指畫得師承繼
武望吾子命世亮有才胡爲久泥滓元黃謬就目鐘呂諧
里耳閨中旣窳遠誰爲塞脩理登高望四荒慷慨忽不止
遂長夢不飛吾衰已久矣

松下小桃花

松下小桃花悵傍何猗旒有如樂天翁樊素爲之侍天天
誠可憐落落殊自喜但嗟年齡促不獲保終始修短各其
天冥私夙所鄙紅顏自古多幾輩奉君子所以蕭家奴耐
笞守穎

孫陶圃小嶼谷吟

俯仰有今古觸緒心養養繫昔壯盛年叨爲下蔡長同人
盡攢眉謂此實骯髒予方捧檄喜一割操刀叻地濱淮與

養一詩集

卷二

三

淝山水頗仇爽壽陽同城居彼特葱鬱象邑中賢豪者時
時其跌宕其間方薛蕭孫氏最雄敞君之曾大父祚業肇
恢廣濱淮置別業選勝得幽曠我來雖少遲高行固所仰
卓爾君尊人保家吾有望暇得奉手遊芳園間酬唱君家
有李父傍淝業重創我已將去邑攜羣特相訪平池二三
畝亭榭四五勝是時秋氣深殘荷尚孤朗置酒不能飲相
對意悽愴屈指卅餘年郎君奮英讜佐郡來中吳漕輓資
弼亮履端幸枉綬相見大惆悵慙慙詢知故多半在泉壤
人生信飄忽來日那可兩示我斯園圖指點覺惚恍北鎖
紫金山巖邑茲爲障其南峯戢戢直走天子嶂西瞻接睥
睨顧見東津舫此途我熟經夙昔困塵鞅駭茲曠窳墟乃
闢花柳帳明瑟回空波清華湛虛盃高臺擬蠻碣轟然起

莽蒼館宇紛星羅曲折出心匠晚藹入香國縱橫坐石丈
慷慨爲我言營此亦孟浪中當粗成時淮淝值交漲軒檻
嗟平沉卉木付泱泱幸能及暇日乃復舊來樣老夫聞此
言啞然一撫掌悲樂會有時成虧理无妄卽日杯酒歡卅
年牽夢想君今升天衢春事亦已上回頭三園中轉眼百
花鬯羣季盛嬉娛朋簪恣酣賞將無念遠人停觴致悒悒
圖畫能隨身心神合孤往爲我謝父老子弟近何狀相從
賣劍耕風期砥廉讓爲我問八公風月鎮無恙殷勤數雞
犬勿使遠飛放會見小嶼谷律呂奏和響威鳳高鶩翔令
德自勉強幹濟了斯須林泉可安富當題獨樂園爲我山
水址

李杜二公像

養一詩集

卷一

三

太白眞達者慷慨負經綸風塵識子儀奇偉固罕倫瀟灑
動至尊宮宦不敢伸抗歌古梁甫韜意惟飲醇子美乃志
士稷契思致身側身亂離中眷眷不忘君低頭拜杜鵬大
義孰與陳所至陳殷憂尋常淚沾巾兩賢展所志房魏斯
其鄰立言有本末道與風雅親吁嗟千載下奉以爲詩人

吳越王投水府龍簡刻本

錢塘江頭震鼉鼓文種子胥避強弩氣吞海若一何武嗟
哉此時眞尙父山河入手膂力愆中朝四國方睨睨投簡
水府求長年此時暮氣抑可憐人生盛衰那能改空笑乞
靈何眞宰力可抗海乃媚湖鵠鑿良金費文彩祇今滄海
生狂瀾裹蹄無數填廬山不須漢武沈美玉願得壯士關

黃問

江陰別康生竹吾四首

別思不可任，況終一星久。吾衰復何云，子壯幸無負。展采
既陳力，克家亦肯構。勤勤懷苦心，抑抑若畏咎。轉盼黃閣
開，夫豈白屋偶。諒知蓄積素，詎待墮篋誘。私懷抱縷縷，陳
義竊質質。善始在不滿，篤終貴有守。周防慎其獨，輔仁取
諸友。出入使知懼，福祿所從受。茲焉懷永圖，歲月不可徃。
嗜好盡無益，藉以悅我生。悅之惟無涯，反足盪其情。走也
苦多好，并力常兼營。仰思捫列宿，俯欲周裨瀛。遠乃極蒼
籓，近亦搜巖阨。日力既已耗，用財尤無經。因之困紆籌，左
右艱支撐。事後豈不悔，故智苦易萌。小物亦累德，微塵能
蔽明。惕然此自訟，逝將安吾精。君子善推類，庶幾絕纏纒。
閒多一身慵，衰至百味淡。祇覺事多廢，所幸飯能啗。一醴

養一詩集

卷一

三四

吾菟裘取足，不得儉名花。向人乞野卉，隨地擲縱橫。蔓綠
繁仄塞，寸紅豔天情。燥濕古物性，肥瘠驗屏巒。窺牆張鏡
沼，俯檻瞰忘適。乃其適歸休，亦何憾往者。勵勤志我針，而
子矻荏苒。付埃壚何物，足點勘此會。誠可欣茲別，恐非慙
慙別。亦何爲江湖渺前期，茫茫百端集。惻惻兩心知，把臂
留幾日。開懷如閱時，寄情松石閒。我意亦爾爲，此願豈難
遂。何日果副之，奔走近世事。偃息甘牽馮，加餐與崇德。不
足爲我辭，護子玉顏色。貯以金顏黎，晨薰都梁香。夕斟翡翠
翠，卮常常却災厄。久久逾華滋，接手太清上。鴻蒙與期嬉，

顧侍議廣文

翔雲

漁隱圖

我家任傍芙蓉湖，蜻蜓小艇伴渚鳧。蝦籠蟹斲足生計，風
簑雪笠饒清娛。夏來十里紅芙蓉，綠雲一片煙平鋪。水清

見魚任投餌釣竿眞拂紅珊瑚老去情懷百無賴問穀奚
事方讀書求食無端類蛭蛆招隱且欲爲蜘蛛掘沼經營
菰蒲眼前空明見此圖驚我霧眼揩模糊雲水迷漫舊游
處似曾相識煙波徒君今充然負蹟書磻谿小坐非眞漁
翻令棖觸滄洲興累宵清夢還徹廬秋水方壯吾歸歟

文姬歸漢歌步顧侍護韻

生世可憐惟女子至痛雖生不如死一身胡漢兩難捩百
種悲羞萬無洗流泉冰絕長嗚咽只剩心頭餘血熱漫伴
南飛玉塞鴻那堪回首天山雪暫抱琵琶立淺沙此身歸
去屬誰家上陽亦有三千女貼鬢呵花擁絳紗

黃潛夫

汝成

話廬吟應毛生甫屬

養一詩集

卷一

三

窮年咕嗶如醅醕發覆喜見經師毛口間泉流灑秋瀑爲
我宿物胸中澆一空氛垢抉文滌流別細辨秋禽毫十年
足跡遍揚粵一時僑肝皆論交爲言叔度特超渺行不可
柬言無驚常與貧人共年穀不曾曲徑爭邪蒿結廬何必
東山謝高興聊託柴桑陶柴桑之情形問影柴桑之話詩
存騷斜川撰下恣歷覽丁龐周鄧相招要我思晤語且未
得欲言又苦同調刁却從老萇尋故訓返不謂矣心忉忉

何明府竹薈

士祁

村居讀書圖

道心筦萬化學海宗衆流自來幹濟才惟向詩書求而況
仕優學不作鯁生鯁開抱納名物矢謨裨黠旒居寵念入
畏後樂當先憂明府偉志業世澤承清脩一鳴高岡鳳載
驅單父騶節吏盛經術道窳無全牛劬勞東官鞅偃仰懷

舊邱良繪透荆關樂意綿春秋豈伊賦招隱豈伊倦行休
諸葛南陽舍希文長白游小年益所集今日效所收憤樂
結中腸寤宿常勾留乃者辱盼睐授簡令銘幽惟尊先大
夫純蘊高風猷聚書三萬卷大義勤研蒐適幾用無滯貞
踐藏以周是其彌綸功詎與咕嚕伴嗣緒式彝訓恢耀益
炳彪諸公盛文藻珠玉方交投竊伸臺萊思擇言曷敢兜
下走耕東臞虛食不謀亦有半畝園草宅那得抽枯苑
違自計蕭條盈輩儔幸因容隙光回彼義利斬卉木感春
至綿羽亦有鳩當攀河陽花擊轅陳吳謳

鄒閨菴

詞

屬吳冠英寫照而屬予名其圖予戲應曰

蔓難圖閨菴曰唯唯名以除蔓蓋閨菴方治本草
將刪去蕪翳而復本初也圖成子爲之詩

養一詩集

卷二

三

我行中唐蕪穢無算紛紜交縈動輒羈絆呼童手鎌爲我
一辨面目斯出蛙黷皆鼠顧語兩童汝視無亂佳惡乃判
汝力無憚根株乃斷汝意無玩恐其得半汝心無牽防其
善眩惟蔓難圖故圖其蔓圖之不盡覆出爲難嗚呼人世
文字滋患安得雜氏施其快腕一朝廓闢俯仰清晏軒皇
始造百毒具嘗歧伯致精想其勛勳後之粗工妄爲簸揚
扶厥眞意庶幾重光王塗載砥民生平康

史忠正家書手跡

國破遑問家仁成敢辭死扶顛權不屬多壘誰之恥可憐
一邱貉殉以獨角鷹點墨已化碧百世見君子

詠梅示同學諸子

飛雪浩千里欲留空林端歲晏能華予私心爲盤桓茲花

幹時運造物忘其權抱氣豈不鬱有力足自完爛然盛文章
璀璨若玉髓冠覲髻成毘劉熱累疇嬰千青琅以爲實祇
守木德酸調羹焉可望追計身委盤及此芳菲節相見常
餘歡悶求醒心香饑當嚼冰餐人生幾花開慷慨成長歎
於天矢無負努力保歲寒

左蔡之走馬長安圖

蔡之抱蔡心心爲傾陽紆枝葉成峻茂神理少華腴梁廡
一相見執手心肝輸爲言承素業忠毅舊門廬先君困禮
闈齋志歸黃壚誓當奮功名繼志斯不辜言寄邁征志繪
此走馬圖兄弟若驂斬後先取令譽賤子贈一言君志眞
勤劬竊聞古賢哲揚顯非馳驅努力葆天爵致身於天衢
行已自有道不在長安途慥慥乃君子庸庸非丈夫特以
養一詩集 卷一 三

愛盡區區

庚子四月十三日常熟許伯緘過江陰陳雲乃明府

延恩 觴之於暨陽書院屬成詩以志此集且曰必
洛先倡將使次第屬和焉

初夏氣不燥曠然延遠風芍藥階未翻茶藤架已豐挈我
二三五友揮杯幸從容聊爾成主客穆若調絲桐超攄藉外
獎俛默由內衷淹留值頽暮無心乃元功卽事殊可欣放
歌有與同所嗟糠粃前持此意忡忡

餞陳雲乃司馬督運北上

將漕非泛差飲餞固嘉會從容接杯酒慷慨陳大義繪圖

鄭俠心憂國祭遵志

謂少穆中丞
芝楣方伯

杜老懷結輩下走亦云

爾使君足經綸蓋臣眷優異尋常投贈中重此民生繫方
今漕事急上下乃交弊官且不聊生斯民可知矣皆云由
運丁恤之不知止丁亦前致詞出反固一理有人扼我吭
取之甚於寄各自恤所底小人敢放利此咎無所歸民窮
忍坐視極重實難反止涕豈無計使君廊廟才不日立殿
陸謨堪造膝陳語不批鱗忌九功皆可歌發軔定於是

爲瞿子雍明經題其尊人蔭棠學博檢書圖

古來有書癖南面誇百城是亦習所耽因之并力營南中
聚書家常熟最有名曩得汲古毛屈子今著聲

謂侃存

月霄

不可作

謂張君
金吾

繼起稱先生內行有清穆外嗜無纏攫惟

餘鉛槧物舒卷以寄情古香怡心顏零帙皆瑤璠玩老足

養一詩集

卷一

三九

吾好聊用貽後昆披圖一喜笑如見心神傾令子篤前業
介守彌鏗鏗何堪逝者歎使我心忤忤

陳碩士侍郎

用光韜光步竹圖遺照

矚曠思理迴陟奧神用藏冷冷出谷風高調閱空蒼盍簪
盡金璧慮釋形如忘君子洵有斐色笑曾侍旁服膺在先
民菁猗盛文章道心葆虛直元氣迴蒼莨測聞會稽美竹
箭不可量翹秀樂匠成矯括皆爲良日寓道斯契造適情
信芳慨然念逝水遺韻來幽篁

錢壤甫攜孫聽鸚圖

一翁鬚髯皓已盈兩孫頭角皆崢嶸酣媠據地作虎子背
書瀉水翻銀瓶春三二月好天氣投杖便踏東臬青聞天
應和在陰鶴求友暫寬遷喬鸞老人偷閒自蕭逸稚子挾

少愁縱橫不如相攜且歸去阿閣細聆雛鳳聲

賀吳獻常新婚

及時雙璧入問齒雨婀娜締此燕婉緣結來歡喜果橫陳
如嚼蠟楞嚴太欺我古人於此事此以琴瑟可琴者禁其
蕩瑟乃晉厥禍五降不容彈物一豈不跛寡欲子輿曾寶
神伯陽頗聊願當官羽□□協諸左

自題捧盈圖

勞勞牽世鞅惘惘任年矢逝者夫如何嗒焉信所止補牢
計恐遲鞭後乃其理知疲及昏臥得醒向晨起興至思或
抽小極急自弭展書銷光陰但取淺且旨既無甚解求亦
不竭日視量腹之容受日可一合米撫肌恨如腊得酒暫
自喜撐拳學五禽負劍弄稚子有杖不肯扶跬步跛而履

養一詩集

卷二

五

頽下看似雪齷上都無齒精氣潛耗盡神爽詭支抵梁麗
劇剝朽此舍安可恃一旦厲風來摧之適然耳此幸惟有
心能成卽不毀百里半九十前途日以邇羸老尚存全造
物不負爾所得固已盈捧持豈敢弛常思善厥終罔令爽
其始索居過以叢良友隔千里願言各努力同岑互爲砥

趙心存永思圖

滋萌綴生理萬葉祇一根斯民孕元氣氣析元非分況乃
出同腹笑啼罔不均如何涉澆俗拔本忘所親專已每不
讓借死夫何論卓哉有吾子天顯流眞淳慷慨敘終始語
語含悲辛皎然肺肝示重以道義敦爲圖寄永思所思惟
裕昆孤桐中琴瑟馨桂傳醴芬豈徒見子而寸心中淪齋
掩卷坐長喟誰歎無弟第

江龍門射虎圖

江君昂藏熊虎軀飛而食肉苞英圖慨慷指掌天下事腰
下欲嘯青昆吾胸次雪白天為徒炯然此氣雄萬夫願君
養之以守柔神不外耗精與俱深山且自友麋鹿班奴何
足當驅除會看馬首擁六轟十萬貔貅俱指呼

羅飯牛募驢圖

得馬塞翁顧亡兔飯牛居士今募驢蹇驢區區幾許值一
瓢乃用千夫輿前邪後許十數輩數錢量米爭紛拏大仙
老驢真可笑一毛不拔旁耶揄我呼紅線剪囊紙倒騎跛
足雲中趨銷除博士賣驢券同作淵明乞食圖

峨眉亭

碧酒雙玉瓶獨酌峨眉亭不見李太白但見青山青秋色

養一詩集

卷二

淮上來蒼然滿雲汀安得十五絃彈與蛟龍聽

題熊太守

介祉山水小影

居山何必終南巔觀水何必蓬瀛島一邱一壑天地寬眼
底風光春正好披圖元氣無端倪雲絲縷縷煙霏霏撫柳
舊是莘亭路看桃新入竹西溪清風素練冷起織塵不
動鶯花喜簪冠野服松下儔翛然白日羲皇裏洛陽歌舞
鬪繁華比翁胡獨耽煙霞長安車馬行如櫛此翁胡為閒
抱膝問翁行藏復何如口笑不語神自腴異哉老子猶龍
乎

江行

扁舟棹入春江曲江上無人芳草綠格格沙禽叫夕陽杜
鵑枝上啼聲續煙波渺渺客心驚何處鄉關無別情勞生

幾日歌歸去江水澗澗訴不平

沈江上鳳畫黃山蒲團松

千尋天子嶂數人蒲團松蛻骨斤斧表養齡煙雲封野仙
倘招鶴此老眞猶龍振衣追昔游惆悵看孤筇

卷一詩集

卷一

小門生江陰曹佳校刊

三

